

經典合集

• 心經 • 藥師經 • 金剛經 • 十善業道經 • 大悲咒 •
• 阿彌陀經 • 文殊師利所說般若波羅蜜經 •



目 录

- 般若波罗蜜多心经 (1)**
- 药师琉璃光如来本愿功德经(5)**
- 文殊师利所说般若波罗蜜经 (33)**
- 金刚般若波罗蜜多经 (71)**
- 十善业道经 (95)**
- 佛说阿弥陀经 (107)**
- 大悲咒 (117)**



RWT1 /1260 /0/

三宝歌

太虚大师 作歌 弘一大师 选谱

C 调 4 / 4

庄严地

| 5. 6 5 3 | 3. 2 1 2 | 3 5 2. 4 | 3 — — 0 |

人 天长夜，宇 宙黯闇，谁启以 光 明 ？

二 谛总持，三 学增长，恢恢法 界 身 ；

依 净律仪，成 妙和合，灵山遗 芳 型 ；

| 5. 6 5 3 | 3. 2 1 2 | 3 5 2. 2 | 1 — — 0 |

三 界火宅，众 苦煎迫，谁济以 安 宁 ？

净 德既圆，染 患斯疾，荡荡涅 槃 城 。

修 行证果，弘 法利世，焰续佛 灯 明 ；

| 1. 1 6 6 | 5. 1 3 — | 2 5 5. 5 | 5 — — 0 |

大 悲大智 大 雄力， 南无佛 陀 耶！

众 缘性空 唯 识现， 南无达 摩 耶！

三 乘圣贤 何 济济， 南无僧 伽 耶！

| 5. 6 5 3 | 3. 2 1 2 | 3 5 2. 2 | 1 — — 0 |

照 朗万有，衽 席群生，功德莫 能 名！

理 无不彰，蔽 无不解，焕乎其 大 明。

统 理大众，一 切无碍，住持正 法 城。

| 2. 2 2 — | 1. 3 5 — | 1 5 5. 4 | 3 — — 0 |

今 乃知， 唯 此是， 真正皈 依 处。

| 2. 2 2 — | 1. 3 5 — | 5 1 2. 2 | 1 — — 0 |

尽 形寿， 献 身命， 信受勤 奉 行！


般若波罗蜜多心经

唐三藏法师玄奘译

观自在菩萨，行深般若波罗蜜多时，照见五蕴皆空，度一切苦厄。舍利子，色不异空，空不异色，色即是空，空即是色，受想行识，亦复如是。舍利子，是诸法空相，不生不灭，不垢不净，不增不减。是故空中无色，无受想行识，无眼耳鼻舌身意，无色声香味触法，无眼界，乃至无意识界。无无明，亦无无明尽，乃至无老死，亦无老死尽。无苦集灭道，无智亦无得，以无所得故。菩提萨埵，依般若波罗蜜多故，心无挂碍。无挂碍故，无有恐怖，远离颠倒梦想，究竟涅槃。

三世诸佛，依般若波罗蜜多故，得阿耨多罗三藐三菩提。故知般若波罗蜜多，是大神咒，

是大明咒，是无上咒，是无等等咒，能除一切苦，真实不虚。故说般若波罗蜜多咒，即说咒曰：揭谛揭谛，波罗揭谛，波罗僧揭谛，菩提萨婆诃。



南无药师琉璃光如来



炉香赞

炉香乍热，法界蒙熏，
诸佛海会悉遥闻，随处结祥云；
诚意方殷，诸佛现全身。
南无香云盖菩萨摩訶萨（三称）
南无本师释迦牟尼佛（三称）

发愿文

稽首三界尊，皈命十方佛；
我今发宏愿，持此药师经；
上报四重恩，下济三涂苦；
若有见闻者，悉发菩提心；
尽此一报身，同生琉璃国。

开经偈

无上甚深微妙法，
百千万劫难遭遇；
我今见闻得受持，
愿解如来真实义。

南无药师会上佛菩萨（三称）

药师琉璃光如来本愿功德经

唐三藏法师玄奘奉诏译

如是我闻，一时薄伽 (qié) 梵游化诸国，至广严城，住乐 (yuè) 音树下，与大苾 (bì) 刍 (chú) 众八千人俱，菩萨摩诃 (hē) 萨三万六千，及国王大臣、婆罗门、居士、天龙八部、人、非人等无量大众，恭敬围绕，而为说法。

尔时曼殊室利法王子，承佛威神，从座而起，偏袒一肩，右膝著地，向薄伽梵，曲躬合掌，白言：世尊，惟愿演说如是相类诸佛名号，及本大愿殊胜功德；令诸闻者业障消除，为欲利乐像法转时诸有情故。

尔时世尊赞曼殊室利童子言：善哉！善哉！曼殊室利，汝以大悲，劝请我说诸佛名号，本愿功德；为拔业障所缠有情，利益安乐像法转

时诸有情故。汝今谛 (dì) 听，极善思惟，当为汝说。

曼殊室利言：唯然，愿说，我等乐闻。

佛告曼殊室利：东方去此过十殑 (jīng) 伽沙等佛土，有世界名净琉璃，佛号药师琉璃光如来、应、正等觉、明行圆满、善逝、世间解、无上士、调御丈夫、天人师、佛薄伽梵。曼殊室利，彼世尊药师琉璃光如来，本行菩萨道时，发十二大愿，令诸有情，所求皆得。

第一大愿：愿我来世得阿耨 (nòu) 多罗三藐 (miǎo) 三菩提时，自身光明炽然，照耀无量、无数、无边世界，以三十二大丈夫相、八十随形，庄严其身，令一切有情如我无异。

第二大愿：愿我来世得菩提时，身如琉璃，内外明彻，净无瑕秽 (huì)，光明广大，功德巍巍，身善安住，焰网庄严，过于日月；幽冥众生，悉蒙开晓，随意所趣，作诸事业。

第三大愿：愿我来世得菩提时，以无量无边智慧方便，令诸有情，皆得无尽所受用物，莫令众生有所乏少。

第四大愿：愿我来世得菩提时，若诸有情行邪道者，悉令安住菩提道中；若行声闻、独觉乘者，皆以大乘而安立之。

第五大愿：愿我来世得菩提时，若有无量无边有情，于我法中，修行梵行，一切皆令得不缺戒，具三聚戒；设有毁犯，闻我名已，还得清静，不堕恶趣。

第六大愿：愿我来世得菩提时，若诸有情，其身下劣，诸根不具，丑陋顽愚，盲聋喑（yīn）哑，挛（luán）臂（bì）背傴（mǔ），白癞（lài）癲狂，种种病苦，闻我名已，一切皆得，端正黠慧，诸根完具，无诸疾苦。

第七大愿：愿我来世得菩提时，若诸有情，众

病逼切，无救无归，无医无药，无亲无家，贫穷多苦；我之名号，一经其耳，众病悉除，身心安乐，家属资具，悉皆丰足，乃至证得无上菩提。

第八大愿：愿我来世得菩提时，若有女人，为女百恶之所逼恼，极生厌离，愿舍女身；闻我名已，一切皆得转女成男，具丈夫相，乃至证得无上菩提。

第九大愿：愿我来世得菩提时，令诸有情，出魔罟（juàn）网，解脱一切外道缠缚（fù）；若堕种种恶见稠林，皆当引摄置于正见，渐令修习诸菩萨行，速证无上正等菩提。

第十大愿：愿我来世得菩提时，若诸有情，王法所录，绳缚鞭撻（tà），系闭牢狱，或当刑戮（lù），及余无量灾难陵辱，悲愁煎逼，身心受苦；若闻我名，

以我福德威神力故，皆得解脱一切忧苦。

第十一大愿：愿我来世得菩提时，若诸有情，饥渴所恼，为求食故，造诸恶业；得闻我名，专念受持，我当先以上妙饮食，饱足其身，后以法味，毕竟安乐而建立之。

第十二大愿：愿我来世得菩提时，若诸有情，贫无衣服，蚊虻（méng）寒热，昼夜逼恼；若闻我名，专念受持，如其所好，即得种种上妙衣服，亦得一切宝庄严具、华鬘涂香、鼓乐众伎（jì），随心所玩，皆令满足。

曼殊室利，是为彼世尊药师琉璃光如来、应、正等觉，行菩萨道时，所发十二微妙上愿。

复次，曼殊室利，彼世尊药师琉璃光如来，行菩萨道时，所发大愿，及彼佛土功德庄严，我若一劫，若一劫余，说不能尽。

然彼佛土一向清静，无有女人，亦无恶趣及苦音声；琉璃为地，金绳界道，城阙（què）、宫阁、轩窗、罗网，皆七宝成，亦如西方极乐世界，功德庄严，等无差别。

于其国中，有二菩萨摩訶萨：一名日光遍照，二名月光遍照，是彼无量、无数菩萨众之上首，次补佛处，悉能持彼世尊、药师琉璃光如来正法宝藏。

是故，曼殊室利，诸有信心善男子、善女人等，应当愿生彼佛世界。

尔时，世尊复告曼殊室利童子言：曼殊室利，有诸众生不识善恶，唯怀贪吝，不知布施及施果报。愚痴无智、阙于信根；多聚财宝，勤加守护；见乞者来，其心不喜，设不获已而行施时，如割身肉，深生痛惜。

复有无量慳（qiān）贪有情，积集资财，于其自身尚不受用，何况能与父母、妻子、奴婢、作使、及来乞者；彼诸有情，从此命终，生饿鬼界，或傍生趣。

由昔人间曾得暂闻药师琉璃光如来名故，今在恶趣，暂得忆念彼如来名，即于念时，从彼处没，还生人中；得宿命念，畏恶趣苦，不乐 (yuè) 欲乐 (lè)，好行惠施，赞叹施者。一切所有，悉无贪惜，渐次尚能以头目、手足、血肉、身分，施来求者，况余财物。

复次，曼殊室利，若诸有情，虽于如来受诸学处，而破尸罗；有虽不破尸罗，而破轨则；有于尸罗、轨则虽得不坏，然毁正见；有虽不毁正见，而弃多闻，于佛所说契经深义，不能解了；有虽多闻，而增上慢，由增上慢覆蔽心故，自是非他，嫌谤正法，为魔伴党。

如是愚人，自行邪见，复令无量俱胝 (zhī) 有情，堕大险坑。

此诸有情，应于地狱、傍生、鬼趣，流转无穷。若得闻此药师琉璃光如来名号，便舍恶行，修诸善法，不堕恶趣。

设有不能舍诸恶行、修行善法，堕恶趣者，以彼如来本愿威力，令其现前，暂闻名号，从

彼命终，还生人趣，得正见精进，善调意乐，便能舍家，趣于非家。如来法中，受持学处，无有毁犯，正见多闻，解甚深义；离增上慢，不谤正法，不为魔伴；渐次修行诸菩萨行，速得圆满。

复次，曼殊室利，若诸有情，慳贪嫉妒、自赞毁他，当堕三恶趣中，无量千岁，受诸剧苦。受剧苦已，从彼命终，来生人间，作牛马驼驴，恒被鞭挞，饥渴逼恼，又常负重，随路而行。或得为人，生居下贱，作人奴婢，受他驱役，恒不自在。

若昔人中，曾闻世尊药师琉璃光如来名号，由此善因，今复忆念，至心归依，以佛神力，众苦解脱，诸根聪利，智慧多闻，恒求胜法，常遇善友，永断魔罟，破无明壳，竭烦恼河，解脱一切生老病死、忧愁苦恼。

复次，曼殊室利，若诸有情，好喜乖离，更相斗讼，恼乱自他，以身语意，造作增长种种恶业，展转常为不饶益事，互相谋害。告召

山林树冢 (zhǒng) 等神；杀诸众生，取其血肉，祭祀药叉、罗刹婆等，书怨人名，作其形像，以恶咒术而咒诅之，魇 (yǎn) 魅 (mèi) 蛊 (gǔ) 道，咒起尸鬼，令断彼命，及坏其身。

是诸有情，若得闻此药师琉璃光如来名号，彼诸恶事，悉不能害，一切展转皆起慈心，利益安乐，无损恼意及嫌恨心，各各欢悦，于自所受，生于喜足，不相侵陵，互为饶益。

复次，曼殊室利，若有四众，苾刍、苾刍尼、邬波索迦、邬波斯迦，及余净信善男子、善女人等，有能受持八分斋戒，或经一年，或复三月，受持学处，以此善根，愿生西方极乐世界无量寿佛所，听闻正法，而未定者。若闻世尊药师琉璃光如来名号，临命终时，有八大菩萨，其名曰：文殊师利菩萨、观世音菩萨、得大势菩萨、无尽意菩萨、宝檀华菩萨、药王菩萨、药上菩萨、弥勒菩萨，是八大菩萨，乘空而来，示其道路，即于彼界种种杂色众宝华中，自然化生。